

Tri godine sve većeg siromaštva i nezaposlenosti



Političari BiH mogu pokazati dobre namjere prema izbornom tijelu tako što će prestati opstruirati mjere koje bi pomogle da se riješi skandalozna masovna nezaposlenost, izjavio je danas prvi zamjenik visokog predstavnika Raffi Gregorian.

“Oni koji drže Bosnu i Hercegovinu u ekonomskom susjedstvu Ugande i Kambodže su političari koji besramno stoje na putu realiziranja ključnih ekonomskih reformi”, izjavio je Gregorian. “Postoji jasna korelacija između ukorijenjene korupcije na najvišim razinama i pada konkurentnosti. Voda teče nizbrdo, i oni koji završe mokri su građani, a ne veliki šefovi na vrhu”.

Gregorian se obratio u povodu predstavljanja Izvješća o globalnoj konkurentnosti 2009.-2010. u Sarajevu, prema kojemu je Bosna i Hercegovina u posljednje tri godine pala na svjetskoj ljestvici poslovanja, tako da je sada na 109. mjestu od 133 zemlje, odmah iza Ugande i ispred Kambodže.

Gregorian je rekao da je 2009. godina bila najteža za “više od 70 000 obitelji u Bosni i Hercegovini koje su, prema podacima, ostale bez prihoda u prvih devet mjeseci ove godine. Sve o čemu danas ovdje razgovaramo mora se staviti u kontekst te brojke – više od 70 000 radnih mjesta je izgubljeno samo u prvih devet mjeseci 2009. godine. A to je dodatak na već šokantnu brojku od više od 500 000 nezaposlenih. Ova brojka, više no i jedna druga, svjedoči o padajućoj konkurentskoj moći Bosne i Hercegovine”.

On je izjavio i da bi donošenje Zakona o obligacionim

odnosima, uspostavljanje modernog sustava bankarske supervizije i, na prvom mjestu, dalja nadogradnja, a ne vraćanje na prethodno dogovorene reforme, pomogli da se obustavi dalja razgradnja, jer bi to racionaliziralo i moderniziralo poslovno okruženje u BiH i pomoglo da se privuku investicije i otvore nova radna mjesta.

On je izjavio da je ekonomska situacija postala gora, jer su ključne reforme obustavljene dok zemlja čeka da stranački lideri riješe svoje nesuglasice.

“Građani trpe posljedice, a malo toga se čini da se to ublaži, jer svaka ozbiljna konkretna inicijativa koja bi mogla unaprijediti situaciju se obustavlja, u većini slučajeva na mnogo godina”, rekao je Gregorian.

“Kada pogledamo kumulativni rezultat politike u BiH u posljednje tri godine, vidimo da su izgubljene desetine tisuća radnih mjesta, međunarodne i domaće investicije vrijedne desetine milijuna eura, a siromaštvo je u porastu u cijeloj zemlji”, izjavio je on. “U drugim demokratskim državama, vlade koje dovode do rezultata kao što su ovi ne biraju se ponovo”.

Gregorian vjeruje da će siromaštvo i nezaposlenost biti osnovna pitanja u izbornoj kampanji. On je izjavio da će stranka koja čini najviše da se deblokiraju reforme biti ona stranka koja čini najviše da se otvore nova radna mjesta, unaprijedi životni standard i BiH učini konkurentnijom.

“Čim se ove reforme pokrenu sa mrtve točke na kojoj se nalaze zadnje tri godine ili više, biće moguće početi pružati pomoć građanima koji su dovedeni u vrlo tešku situaciju. Pitanje je: koji stranački lider će preuzeti inicijativu i okončati ovu blokadu? ”

“Konkurentnost koja je upravo sada potrebna Bosni i Hercegovini je konkurentnost među parlamentarcima da se usvoje pravi zakoni, tako da BiH ponovno može početi privlačiti investicije, otvarati nova radna mjesta i unaprijediti životni

standard", rekao je Gregorian. "Bilo je i previše priče, previše procesa, a premalo suštine – ono što je potrebno jesu djela, a ne riječi".

Puni tekst obraćanja prvog zamjenika visokog predstavnika Gregoriana dostupan je na adresi www.ohr.int.